



**Bryniau Clwyd a  
Dyffryn Dyfrdwy**  
Clwydian Range  
and Dee Valley

Ardal o Harddwch Naturiol Eithriadol  
Area of Outstanding Natural Beauty

**CYD-BWYLLGOR  
ARDAL O HARDDWCH NATURIOL EITHRIADOL  
BRYNIAU CLWYD A DYFFRYN DYFRDWY**

<b>Cynhaliwyd ar:</b>	<b>14 Tachwedd 2014</b>
<b>Aelod /Swyddog Arweiniol:</b>	<b>Steve Gadd</b>
<b>Awdur yr Adroddiad:</b>	<b>Paula O'Hanlon /Huw Rees</b>
<b>Teitl:</b>	<b>Cyllideb y Cyd-bwyllgor 2014/15</b>

---

**1. Beth y mae'r adroddiad yn ymdrin ag o?**

Mae'r adroddiad yn rhoi manylion am gyllideb refeniw yr AHNE fel y cytunwyd arno ar gyfer 2014/15.

**2. Beth yw'r rheswm dros lunio'r adroddiad hwn?**

Pwrpas yr adroddiad yw rhoi diweddariad ar sefyllfa ariannol bresennol yr AHNE.

**3. Beth yw'r Argymhellion?**

Yr aelodau i nodi'r gyllideb a osodwyd ar gyfer 2014/15 (Atodiad 1) a'r cynnydd yn erbyn strategaeth y gyllideb y cytunwyd arni. Hefyd, i gymeradwyo'r gyllideb a osodwyd ar gyfer 2014/15 yn ffurfiol.

**4. Manylion yr Adroddiad.**

Mae'r adroddiad yn rhoi crynodeb o gyllideb refeniw yr AHNE ar gyfer 2014/15 a nodir yn Atodiad 1. Cyllideb gwariant gros yr AHNE yw £406K. Rhagwelir gorwariant o £3k.

Fe gyflwynir y gyllideb mewn dwy ran; Craidd a Rhanbarthol. Mae'r gyllideb Graidd yn ymwneud â'r swyddogaethau hynny, sef y swm lleiaf sy'n ofynnol yn bresennol i weithredu'r gweithgareddau AHNE yn ystod y flwyddyn gyfredol. *Fe all* y gyllideb amrywio o flwyddyn i flwyddyn yn dibynnu ar gyllid allanol a mewnol. Mae'r gyllideb Ardal yn ymwneud â gwariant er mwyn cyflawni prosiectau o fewn Awdurdodau Lleol

yr Ardal o Harddwch Naturiol Eithriadol. Gallai'r gyllideb gynnwys staff nad ydynt yn rhai craidd sy'n gweithio ar brosiectau penodol yn yr AHNE yn ystod y flwyddyn hon. *Bydd y gyllideb hon yn amrywio o flwyddyn i flwyddyn a hyd yn oed o fewn y flwyddyn yn dibynnu ar gynnydd y prosiect a ffynonellau cyllid.*

## **5. Sut mae'n cyfrannu at Flaenoriaethau Cynlluniau Rheoli AHNE Bryniau Clwyd a Dyffryn Dyfrdwy?**

Bydd rheolaeth effeithiol ar gyllidebau refeniw yr AHNE yn helpu i gyflawni'r blaenoriaethau cynllun rheoli y cytunwyd arnynt ar gyfer y flwyddyn gyfredol ac yn tanategu gweithgaredd ym mhob maes, yn arbennig ein perthynas gyda phartneriaid cyllido a'n blaenoriaethau ar y cyd.

## **6. Faint fydd yn ei gostio a sut bydd yn effeithio ar wasanaethau eraill?**

Ar hyn o bryd rydym yn rhagweld bod y cyfraniadau incwm yn parhau i fod ar y lefel a gytunwyd yn y gyllideb ar gyfer y flwyddyn hon.

## **7. Beth yw'r prif gasgliadau o'r Asesiad o'r Effaith ar Gydraddoldeb a gynhaliwyd ar y penderfyniad? Dylid atodi'r templed Asesiad o'r Effaith ar Gydraddoldeb fel atodiad i'r adroddiad.**

*Amh*

## **8. Pa ymgynghoriadau sydd wedi eu cynnal gyda'r Pwyllgor Archwilio ac eraill?**

Rhoddwyd gwybod i'r Cydbwyllgor Ymgynghorol am y gyllideb ym mis Ebrill 2014. Dyma'r cyfle cyntaf i gyflwyno'r sefyllfa ariannol i'r Cyd-bwyllgor.

## **9. Datganiad y Prif Swyddog Cyllid**

Mae'r adroddiad hwn yn amlinellu sefyllfa ariannol yr AHNE ar gyfer 2014/15. Er ei fod yn darogan gorwariant bychan ar hyn o bryd, mae ffydd y bydd camau rheoli yn galluogi'r gwasanaeth i wario o fewn eu swm a gyllidebwyd yn y flwyddyn ariannol hon. Fodd bynnag, er bod y sefyllfa ariannol ar gyfer 2014/15 yn ddiogel mae'n rhaid cydnabod bod cyllidebau'r holl gyrff yn y sector cyhoeddus yn dod o dan bwysau cynyddol oherwydd yr hinsawdd economaidd ac ni ellir dibynnu ar lefelau cyllid yn y dyfodol (gweler adran 10).

## **10. Pa risgiau sydd yna, ac a oes unrhyw beth y gallwn ei wneud i'w lleihau?**

Mae'r gyllideb bresennol yn ddibynnol ar incwm gan Gyfoeth Naturiol Cymru, Llywodraeth Cymru a'r tri Awdurdod Lleol. Bydd unrhyw newidiadau i'r lefelau incwm hyn yn peri risg i gyflwyno prosiectau yn y dyfodol a'n gallu i gyflawni yn erbyn y blaenoriaethau yn y Cynllun Rheoli AHNE.

## **11. Pŵer i wneud y Penderfyniad**

O dan Adran 151 o Ddeddf Llywodraeth Leol 1972, mae gofyn i awdurdodau lleol wneud trefniadau i weinyddu eu materion ariannol.